

ghy hem guet doen meer my en suldy
 altijt niet myt u hebn **D**at sie had
 de heuet sie ghedaen **D**ie is voerghe
 coemen myn licham toe saluen ter
 begravinghe **W**oerwaer segghe ick u
 soe waer d't eucangeliū gheprediket
 wort in al die werlt salmen vertel
 len dat sie dat in ghedencknisse my
 re begravinghe ghedaen heft **D**ie du
 uel ghenck in iudas scharioth ene va
 den twaleuen en hie ghenck totten
 ouersten priester dat hie hem verrie
 de **E**n hie sprack **W**at wil ghy my
 gheuen en ick sal hem u ouer leue
 ren **A**ls sie dat hoerden worden sie
 blijde en louede hem dertich siluere
 pennynghen en hie verskerdet **E**n
 van der tyt sochten sie een bequeme
 stonde dat hie hem **J**esu mochte ou
 leueren buten den scharen **D**aer qua
 een dach der hoechtijt i welke me
 dat paesche lam moeste doden **E**nde